


Mambu Yina Nge Lenda Sala Sambu na Kuvanda ti Luzingu ya Dibuta ya Kyese (Kitini 2)

Yo me katuka na kapu 14 ya mukanda *Inki Biblia Kelongaka Mpenza?* Yo kele na jw.org.

LUKANU: Tadila mambu yina nge ke kwikilaka mpi sambu na nki, tadila mambu yina Biblia ke longaka, mpi tala nki mutindu nge lenda tendudila bantu ya nkaka balukwikilu na nge.



BANA KELE TI MFUNU YA NKI SAMBU BO VANDA NA KIESE?

1 TADILA BALUKWIKILU NA NGE

Inki mambu bantu ya nkaka lenda tuba?

Inki mambu *nge* ke kwikilaka?

Sambu na nki nge ke kwikilaka na mambu yango?

2

TADILA MAMBU YINA BIBLIA KE LONGAKA

Bana ke vandaka na kiese mingi kana bibuti na bo ke landa mbandu ya Yezu.
(Tala kapu 14 ya mukanda *Biblia Kelongaka*, paragafe 14-16.)

Tanga Marko 10:13-16.

Ata yandi vandaka ti mambu mingi ya kusala, nki mutindu Yezu vandaka kusadila bana mambu?

Tanga Luka 22:24-27 mpi Yoane 13:3-5.

Inki mutindu Yezu bikilaka bibuti mbandu ya mbote na mutindu yandi vandaka kusungika balongoki na yandi?
(Tala mpi Yeremia 30:11.)



Yezu me bikaka mbandu ya kukuka sambu na mabuta—yo vanda ntangu yandi vandaka mwana to ntangu yandi vandaka mbuta

Bana ke vandaka na kiese mingi kana bo ke landa mbandu ya Yezu.

(Tala kapu 14 ya mukanda *Biblia Kelongaka*, paragafe 17-19.)

Tanga Luka 2:51, 52; 22:42.

Inki mambu baleke lenda longuka na Yezu na yina me tala bulemfu? (Tala mpi Baefezo 6:1-3.)

Tanga Matayo 4:1-10.

Inki mutindu Yezu bikaka mbandu ya mbote na mutindu yandi buyaka kubwa na bampukumuna?

Inki ke yitukisa nge mingi na mbandu ya Yezu?

3

TENDULA BALUKWIKILU NA NGE

KANA MUNTU KUTUBA NDE...

Dibanza ya Biblia sambu na disipline kele mpasi mingi.

NGE LENDA TUBA NDE...

Yo ke kieleka nde Biblia ke siamisaka bibuti na kusungika bana na bo. Kansi mu ke ndima ve nde yo ke pusaka bo na kusala mambu na nku sambu...

Inki verse nge lenda tadila ti muntu yina?

Sambu nge me zaba ngindu na yandi, inki mutindu nge ta yindula ti yandi na verse yina?

KANA MUNTU KUTUBA NDE...

Bantu ke kumisaka bulemfu kuluta ndilu. Bibuti fwete pesa baleke nswa ya kusala mambu yonso ya bo me zola ntangu bo kele ntete baleke.

NGE LENDA TUBA NDE...

Ziku bantu mingi ta ndima dibanza na nge. Kansi mambu ya mu ke kwikilaka me swaswana ti ngindu na nge sambu...

Inki verse nge lenda tadila ti muntu yina?

Sambu nge me zaba ngindu na yandi, inki mutindu nge ta yindula ti yandi na verse yina?
